

- 1 ħmd i-rbbi a-ul-inu,
ula kullu ma-gigi-illan,
tmjjdt ism-ns iezzān.
- 2 ħmd i-rbbi a-ul-inu,
a-ur-tttut kullu timiħar-ns.
- 3 ar-ak-itšamah f-kullu ddñub-nñk.
ar-ijjujji kullu timuḍan-nñk.
- 4 ar-issinif ddat-nñk i-umḍḍal.
ig-ak ttaj n-rrħmt d-tayri-ns.
- 5 ibark kullu ussan n-tudrt-nñk.
irar-ak-d afud-nñk zund jjhd l-lbaz.
- 6 ibidd bdda d-yan-f-iḍr lbaḍl,
iħkam s-lħqq ifk-as tağamt-ns.
- 7 rbbi imla i-musa ma-iqšad,
yadj mddn-ns ad-zrran ma-iskar.
- 8 rbbi a-igan arħim ig aħnin,
yigat ššbr-ns d-tayri-ns izgan.

- 9 ur-ra-n-itqama bdda ġ-lğaḍab,
ur-rad-ağ-ig d-willi iħaša.
- 10 ur-rad-bdda-itzi f-ddñub-nñġ,
ula-da-yağ-yakka f-unšk lli-stħllan.
- 11 tigat tayri-ns f-willi-t-ituqqarn
unšk lli-attuyn ignwan f-wakal.
- 12 issaggug-n flannġ ddñub-nñġ
unšk lli-yaggug lğrb zġ-ššrq.
- 13 iħnnu ġ-ğwilli-t-ituqqarn
ğmklli iħnnu yan ġ-tarwa-ns,
- 14 ašku issn ma-zġ-ntyawskar,
yissan izd akal a-nga nkk^wni.
- 15 hati zund tuga ad-zrayn-uwssan-nñġ.
nmği-d nimğur zund ajddig n-tagant,
- 16 iṣuḍ-d-waḍu yawi-t,
laħ ajddig iħwu-udğar-ns.

- 17 imma tayri n-rbbi ur-dars ttmi,
tili dima f-willi-t-ituqqarn.
ar-bdda-iskar s-ufulki-ns izgan,
i-kullu tasutin n-mddn-ns,
- 18 i-willi umznin ġ-lehd-ns,
awin-tt bdda ġ-luṣiyat-ns.
- 19 iħkam rbbi kullu ma-illan,
iskr lerš-ns ġ-iggi n-ignwan.
- 20 ħmdat i-rbbi a-lmalayka tjħhdnin,
kunni da-isflidn i-iwaliwn n-rbbi,
ar-kullu-tskarm s-mad-awn-ittini.
- 21 ħmdat i-rbbi a-inmğurn n-ignwan,
kunni da-iskarn ma-gigun-ittiri.
- 22 ħmdat i-rbbi a-kullu lmħluqat
ğ-kraygatt mani ġ-ddu-ufus-ns.
ħmd i-rbbi a-ul-inu.